

# INUIT ATAQATIGIIT

## INATSISARTUNI



Nuuk, 12. Februar 2014

Inatsisartut Suleriaasianni § 37 naapertorlugu Naalakkersuisunut imaattunik apeqquteqar-punga.

(Inatsisartuni ilaasortaq Naaja H. Nathanielsen, Inuit Ataqatigiit)

### Apeqqutit:

1. **Pappiaqqanik nalilinnik naqissusiinermi akitsuut pillugu Inatsisartut inatsisaannik nr. 8, 31. oktober 1987-imeersumi kingusinnerusukkut allannguuteqartartumi § 19-ip ima paasineqarnissaa Naalakkersuisut isumaqataaffigivaat uppersaatip siulliup uppersaatillu nutaap nikingassutaat kisiat naqissusiinermi akitsuutikkut akilerneqartassasoq?**
2. **§ 19 pillugu apeqqutit siullianni allaatigineqartumit periuseq allaanerusoq nassuiaalluunniit allaanerusoq atorneqassasimappat tamatuma itisi-liiffigineqarnissaa kissaatinarpoq.**

### Tungavilersuut:

Pappiaqqanik nalilinnik naqissusiinermi akitsuut pillugu inatsit ukiuni 27-ni maanna atareersimalerpoq. Taamanernit inissianik tuniniaanerup tungaatigut pisoqangaatsiar-nikuuvoq. § 19-imut tungatillugu aningaaseriviit Namminersorlutillu Oqartussat akornganni nassuiaatit assigiinngitsut atorneqarpassipput. Nalornissutigineqarpassippoq innuttaasut nutaamik uppersaasiorusuttut naqissusiinermi akitsuut tamarmiusoq akileqqittassaneraat imaluunniit nikingassutaa kisiat akilertussaassaneraat.

§ 19 ima oqaasertaqarpoq:

”Pisinnaatitaaffimmi piginneqatigiit pisinnaatitaaffimmut nutaamik uppersaasiorunik nutaanngitsumut taartaasussamik, uppersaatip nutaap akitsuutissaa tassaavoq upper-narsaatip siulliup akitsuutaata qaffassutissaa, taartaasussamik sananermi uppersaammi siullermi aalajangersakkat atorneqaannarsimappata.”